

Dumonda Schneider concernent la furmaziun politica en il Grischun

Ils ultims mais èn numerus giuvenils s'engaschads per la midada dal clima. Malgrà las bleras demonstraziuns e chaumas è la participaziun politica a votaziuns tar la generaziun giuvna (persunas da 18 fin 25 onns) pli bassa en cumparegliaziun cun las autras generaziuns. En il rom dal project Promo 35 ha la SATE Cuira constatà plinavant che la quota da las persunas che occupan in uffizi e ch'èn pli giuvnas che 35 onns, importa mo 5,6 %. Potenzial da meglieraziun porscha tenor ils auturs dal studi tranter auter la politica d'infurmaziun.

La sessiun dals giuvenils en il Grischun è s'occupada quest onn tranter auter dal tema da l'instrucziun politica en las scolas dal stgalim superiur. A maun d'ina petiziun pretenda la sessiun dals giuvenils ch'ina lecziun per emna da la 3. classa superiura stoppia tractar la politica actuala e ch'il semester duaja vegnir terminà cun in'emna da project. Tenor la petiziun duai la lecziun vegnir instruida en in rom che ha in effect per la promoziun. Il tema da la furmaziun politica vegn discutà gia dapi onns en plirs chantuns. Uschia survegnan per exempel las scolaras ed ils scolars dal stgalim superiur dal chantun Argovia a partir da l'onn 2020 mintga emna instrucziun politica, en il chantun Tessin è vegnida acceptada ina iniziativa per instrucziun civica ed il mars 2019 ha il cussegl grond da Basilea recumandà d'acceptar l'iniziativa «JA zu einem Fach Politik».

Sut quest aspect vulan las sutsegnadras ed ils sutsegnaders savair da la regenza:

1. Co giuditgescha la regenza la furmaziun politica en las scolas popularas dal chantun Grischun?
2. Co vegn la furmaziun politica resguardada en il Plan d'instrucziun 21?
3. Promovess in onn furmaziun politica en furma d'in rom «politica» durant il temp da scola obligatoric la participaziun politica da la generaziun giuvna?
4. Tge recumonda la regenza per promover la furmaziun politica?

Puntraschigna, ils 14 da zercladur 2019

Schneider, Tanner, Brunold, Berther, Bettinaglio, Bigliel, Bondolfi, Cahenzli-Philipp, Caluori, Casutt-Derungs, Cavegn, Crameri, Deplazes (Rabius), Derungs, Ellemunter, Epp, Fasani, Felix, Föhn, Gasser, Geisseler, Grass, Hefti, Hitz-Rusch, Hofmann, Hohl, Holzinger-Loretz, Jenny, Kohler, Kunfermann, Lamprecht, Loepfe, Loi, Maissen, Märchy-Caduff, Michael (Donat), Müller (Susch), Niggli-Mathis (Grüsch), Noi-Togni, Papa, Perl, Rettich, Ruckstuhl, Schmid, Tomaschett-Berther (Trun), Ulber, Widmer (Favugn), Widmer-Spreiter (Cuira), Zanetti (Sent), Zanetti (Landquart)